

[Augsburg], 13. Januar 1568

An Johannes Oporinus

UB Basel, Fr. Gr. I 11, fol. 300r.
Steinmann Nr. 789.

S. Quamuis ante paucos dies et tibi et Henrico Petri et Carino, et Iocisco per Beckestainum literas copiosas miserim: quas vos iampridem accepisse non dubito: et responsum a vobis expectem: tamen Hansium nostrum sine meis literis istuc ire nolui: sed commentario in Catonem, qui, ob scripturae laxitatem, quarta forma pagellas integras 600 circitè habet, id est, libros, vt vocamus, chartae 6. onerare non debui hominem senem: eoqüe minus, quod res moram fert. Dabo operam, vt nuper scripsi, vt omnia ad Cal[endas] Martias absoluta sint, sed non mittam, nisi efflagitata, et viso specimine Officiorum. D. Henrico Petri signifies velim, dubitari de Cypriani vita. Nuper comperi, eum ferè ante semestre profectum in Bohemiam, adhuc ignorari et desiderari, metumqüe esse, ne sit interfectus à latronibus. Sed si redierit (quod faxit Deus) operam pro virili me daturum, vt eius praeclarae lucubrationes alijs quoque communicentur. Vale, et cùm ipse rescribito, tum vt idem Iociscus faciat, curato. Idibus Ianuarij 1568.

Hiero[nymus] Wolfius
Tuus.